



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : SHARON LUTHERAN SCHOOL  
**学校名称** : 路德会沙仑学校

**Name of Play 剧名** : 考试药丸

**Script writer 剧作者** : 路德会沙仑学校戏剧组学生 (剧本整理: Matchy Choi 蔡迅彦)

**Synopsis 故事大纲 :**

如果，命运能选择，你又会点选择？周维仪、常淘宝和吴晓婷是「留堂室」的常客，属于「学校金字塔」的低端人口。一天，常淘宝意外地在网上发现「考试药丸」，为三人解决考试难题。自此三人跃升至「学校金字塔」顶端，成为学校宠儿，可喜可贺。就在三人洋洋得意之际，骇然发现网站已被移除。面对足以影响一生的呈分试而又没有「考试药丸」，三人应该点选择？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Scene 1: 留堂室**

(音乐起，群众拿起课室台、櫈、书本等艰辛的拖步行走，不时有人走来申诉。他们渐渐将手上的台櫈组成一个「留堂室」)

群众            Look down, look down,  
                  Don't look 'em in the eye  
                  Look down, look down  
                  You're here until you die

杜宇轩            点解，点解，我次次考试都唔合格㗎？

群众            Look down, look down  
                  There's twenty years to go

陈子涵            主耶稣，求你畀我合格一次啦。

群众            Look down look down  
                  Sweet Jesus doesn't care

阮陪聪            我阿妈阿爸对我好大期望㗎

群众            Look down, look down  
                  They've all forgotten you

林巨轩            我明明已经温到好熟，唔知点解不记得㗎。

群众            Look down, look down

陈太温            啲书咁深我温唔到，你不如放过我啦。

群众            Look down, look down

训导老师            (拿出试卷) 周维仪、吴晓婷、常淘宝，你地中文测验得最级最低分！

三人            我地又唔合格？

训导老师            系。你地三个今日放学后要去留堂，喺嗰度温到识为止……

三人            又留堂……

训导老师            你地系全级最低分！

周维仪            之前嗰晚我有温书，所有测验范围都背好晒。

训导老师            咁你要努力啲，你要再一次留堂，直到你知道点读书！

周维仪            我由细到大都好畀心机…

(训导老师不理他们的申诉，要求他们离开，在后面的同学取笑三人后离去。台上只剩三人对着试卷。)

周维仪            (羞愧) 20 分…

吴晓婷            你好过我，你睇，(向周展示试卷) 我只得 10 分

常淘宝            嘩，睇嘢啦 (拿出试卷炫耀) 全级之最，0 分！

(吴抢走常的试卷来研究)

常淘宝            老师都唔知是不是有心害我地，专门出啲我地无温嘅嘢。

周维仪            (气愤) 我呢次已经好畀心机温书㗎啦，都唔知点解只得 20 分。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

吴晓婷 我明明背咗㗎，系对住份卷就唔识答之嘛。

周维仪 唉，下个月个就系「呈分试」喇， 佢系会决定我地考到乜嘢中学、乜嘢中学决定我地入唔入到大学、入唔入到大学就会决定我地做乜嘢工…三次呈分试足以影响我地嘅一生！

常+吴 呀，我地只系一个小学生咋～

周维仪 我一定要考好佢！如果唔系…

(时间暂停音效起，其他人静止，进入周维仪的想象世界，数学老师、宗教老师、训导老师出，以下三位老师的对白紧接)

数学老师 (一脸厌恶) 你又考唔好个考试…

宗教老师 (满带爱心的关怀) 哎呀，点解你考得咁差？

训导老师 (极严厉) 你全部答案都错，抄答案十次！

数学老师 (一脸厌恶) 点解㗎，有温书无理由会咁㗎波。

宗教老师 (满带爱心的关怀) 唔得啦你要努力少少啦，如果唔系的话，你就要留班啦。

训导老师 (极严厉) 去留堂室，继续温习。见家长！

( 时间恢复音效起，回到现实 )

常淘宝 我都要考好呢个试，因为…

( 时间暂停音效起，其他人静止，进入常淘宝的回忆，黄琬亮、唐雅瑜、张佩芝在台的一角取笑，以下为三位学霸紧接的对白 )

数学老师 (一脸厌恶) 你又考唔好个考试…

宗教老师 (满带爱心的关怀) 哎呀，点解你考得咁差？

训导老师 (极严厉) 你全部答案都错，抄答案十次！

数学老师 (一脸厌恶) 点解㗎，有温书无理由会咁㗎波。

宗教老师 (满带爱心的关怀) 唔得啦你要努力少少啦，如果唔系的话，你就要留班啦。

训导老师 (极严厉) 去留堂室，继续温习。見家長！

(时间恢复音效起，回到现实)

常淘宝 我都要考好呢个试，因为…

(时间暂停音效起，其他人静止，进入常淘宝的回忆，黄琬亮、唐雅瑜、张佩芝在台的一角取笑，以下为三位学霸紧接的对白)

黄、唐、张 哈哈

黄琬亮 你真系叻啦！零分都考得出！真系唔明你点做到！

唐雅瑜 谁叫你唔温书，抵死～

张佩芝 What? 抵你死，考试唔合格。

黄琬亮 抵你系「学校金字塔」嘅低端人口！

唐雅瑜 又零蛋啊？正一废青！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

张佩芝                Well, 你真系太叻啦，简直系「神一般」嘅水平！

三人                 哈哈...

（时间恢复音效起，回到现实）

吴晓婷                每次考试，我都担心爸爸妈妈会唔高兴，上次考试我又考零分...

（时间暂停音效起，其他人静止，进入吴晓婷的回忆）

吴晓婷爸爸            （严重的咳嗽）你今日系咪派咗测验卷？

吴晓婷妈妈            （满心期待）系啲，快啲畀份爸爸妈妈睇下...

（吴晓婷慢慢的将试卷交给爸爸）

吴晓婷爸爸            零分？！

吴晓婷妈妈            （伤心地）点解会咁？我明明有同你温...

吴晓婷                对不起...

吴晓婷爸爸            对不起有咩用？对不起可以重考㗎？你...你...

吴晓婷妈妈            爸爸...爸爸...你无事呀嘛？爸爸...

（爸爸忽然抽搐，越抽越烈，最后倒在地上，静止。时间恢复音效起，回到现实）

吴晓婷                嗰次阿爸住咗三日医院...所以...

三人                 （为自己打气）我唔可以再畀自己唔合格！

## Scene 2: 考试药丸

周维仪                第一步，就系要搞掂今日个留堂。

常淘宝                听讲学校有新安排，测验唔合格要留堂温书，温到你识为止。

吴晓婷                （歇斯底里）吓？！咁如果我温极都唔识嘅话未无得回家？咁我阿爸阿妈点算呀？我想回家呀！

常淘宝                （捉着吴晓婷）冷静啲先！我近排喺网上面发现咗呢样嘢...

（常淘宝用iPad 展示网页给二人看）

吴+周                考·试·药·丸？

吴晓婷                适合各式考试、测验、专业试...

周维仪                包合格攞满分，考试无难度...

常淘宝                即买即到，满分立刻到手！

吴晓婷                呢样嘢信唔信得过㗎？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

常淘宝 落单未知嘢～订够…（屈指一算）30 粒！订购！

（常淘宝一按下「订购」，忽然传来敲门声，三人望向班房大门）

淘淘专员 （国语）淘淘网送货！

三人 咁快？

（再次传来敲门声，常淘宝走向大门开门，有一淘淘专员冲入班房内。以下淘淘专员是用不熟正的广东话）

淘淘专员 请问系咪订咗「淘淘网」喇，亲？

常淘宝 我啱啱落单咋啲…

淘淘专员 「即买即到」系我地嘅服务承诺嘢，亲！

常淘宝 哗～畀个五星星正评你。

淘淘专员 谢谢你，期待你再下单，亲。（准备离去）

吴晓婷 咪走住！

淘淘专员 有乜事呢，亲？

吴晓婷 呢样嘢点用㗎？

淘淘专员 只要（做出「食药丸」的动作）就可以喇，亲。

常淘宝 咁神奇！

淘淘专员 呀，温馨提示：呢棵药丸只有 1 小时效力。

周维仪 1 小时？

淘淘专员 我地仲有款「2 小时」装跟「5 小时」装，欢迎到本店选购的，亲。

常淘宝 下次一定买。

淘淘专员 期待你下次光临，亲。

（淘淘专员似风一样离开，只剩 3 人呆望着包裹）

吴晓婷 呢个世界真系有咁神奇嘅嘢？

常淘宝 要知道佢系咪真，食落肚就会知。

吴+周 食落肚？

（时间暂停音效起，其他人静止，进入周维仪的想象世界，天使群及魔鬼群进入，天使及魔鬼的服装跟三人相近，以对应三人各自的天使与魔鬼）

周魔鬼 梗系食啦，食咗呢粒「考试药丸」就可以逢考试都攞满分㗎～

其他魔鬼 攞满分，攞满分！

周维仪 你地系边个呀？

周魔鬼 我系你嘅朋友…

吴魔鬼 （展示自己的服装，与吴的服装相似）我就系吴晓婷嘅朋友…

常魔鬼 （展示自己的服装，与常的服装相似）我就系常淘宝嘅朋友…

周魔鬼 我嚟系帮助你成功㗎～有咗呢粒「考试药丸」你就可以逢考试都攞满分…

其他魔鬼 攞满分，攞满分！

天使群 唔好食呀（场外音）

周天使 你唔好相信佢地呀～

吴天使 你唔清楚这粒药丸系咩…



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

常天使 佢可能有毒，唔好食呀！  
周维仪 (对照服装) 睇嚟你地系常淘宝同吴晓婷嘅天使  
周天使 你唔好相信佢地呀～  
周魔鬼 你唔系想一世考试都零分呀嘛？  
周天使 呢样嘢都唔知有无效，滥药会上瘾  
周魔鬼 吃了之后会变 Clever，如果不吃的话会继续拿零分，你咁聪明你梗识拣。  
周天使 做人要诚实，千祈唔好食呀～  
训导老师 「突击测验」!

(时间恢复音效起，众天使魔鬼杂去，忽然之间训导老师自课室門冲入，打破周维仪的想象世界。)

训导老师 你地三个只要答到 3 条我出嘅问题，你地就可以回家，答唔到就要继续留堂继续温！  
常淘宝 好，就由我先。

(《百万富翁》音乐出)

训导老师 中文题：单元五《在海里》嘅段落大意系点？  
常淘宝 乜中文有课叫《在海里》咩？  
训导老师 OUT！ 继续留堂！（向吴晓婷）吴晓婷！  
吴晓婷 我？（无信心的上前）  
训导老师 数学题：「梯形的面积」计算公式系乜嘢？  
吴晓婷 Er,  
训导老师 OUT！ 上底加下底乘高除 2 都唔识！  
吴晓婷 我想回家呀～  
训导老师 (向周维仪) 周维仪，到你！  
周维仪 我而家点呀？

(时间暂停音效起，其他人静止，进入周维仪的想象世界，天使及魔鬼群进入)

周魔鬼 食咗佢你就攞满分！  
其他魔鬼 攞满分、攞满分！  
周天使 千祈唔好食，食咗会上瘾！  
其他天使 会上瘾、会上瘾！  
周魔鬼 唔通你一世都想畀人闹？  
其他魔鬼 畀人闹、畀人闹？  
周天使 咪信佢，佢地系坏人！  
其他天使 系坏人、系坏人！

(周魔鬼指示其他魔鬼将天使群打晕)

周魔鬼 而家安静晒喇，食啦，食咗佢你就可以有番尊严喇！

(周维仪一又吞下「考试药丸」，时间恢复音效起，回到现实世界)

周维仪 放馬过嚟啦～  
训导老师 英文题：请串出 Buy 嘅过去分词。  
周维仪 B. O. U. G. H. T. , Bought!



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

训导老师            数学题：「 $80 \times 2 + 6 - 2 \times 40 \div 2$ 」系等于几多？  
周维仪            126!  
训导老师            （惊讶周维仪的快速响应）再嚟奥数题：  
                      人+去人+去人=人上人  
                      咁「人」系乜嘢？  
周维仪            系5!  
训导老师            （震惊，只好放人）Dismiss!  
三人                （兴高采烈）Goodbye and Thank you Ms. Yim  
（训导老师转身离去）  
三人                YEAH!

### Scene 3: 我变快乐了

（音乐起，几个短片，呈现三人食了「考试药丸」后在学校开心快乐的日子，当中有三名学霸的妒忌）

- 老师爱戴
- 受同学欢迎及崇拜
- 在不同的颁奖礼获得殊荣

三人在课室指导同学，学霸在课室一角商议。

黄琬亮            听讲有人呢排啲学业成绩好好！  
唐雅瑜            逢考必识，逢答必中，科科都一百分  
张佩芝            由第尾升到第一，Unbelievable!  
黄琬亮            一定有古怪！  
唐雅瑜            计我话，佢实系出猫～  
张佩芝            Absolutely! 下堂宗教科测验，不如我地等阵搜佢身！  
黄琬亮            一于咁话！

（课堂钟声响起，宗教老师进入课室）

宗教老师            各位同学午安。  
各位同学            钟老师早晨。  
宗教老师            愿主耶稣赐福大家。今日嘅努力，建立日后嘅成就。今日系我地宗教科测验嘅大日子，愿大家一同努力。而家派卷。（派卷）  
黄琬亮            老师，我地怀疑有人出猫。  
宗教老师            出猫？出猫系唔可以接受嘅行为。  
张佩芝            Agree no more, Ms. Chung. 我地良心告诉我地要向你陈明呀。  
宗教老师            好，咁系边个出猫？  
黄琬亮            我地怀疑系周维仪、吴晓婷、常淘宝佢地三个出猫。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

周维仪            钟老师，我地无出猫呀。  
唐雅瑜            请你搜查周维仪同学。  
张佩芝            Please...  
宗教老师          「遮掩自己过犯的，必不亨通；承认并离弃过犯的，必蒙怜悯。」  
常淘宝            佢地乱讲咋  
宗教老师          如果你地真系出猫嘅话，知唔知会有乜后果？

( 刚好训导老师经过课室门口，正在追捕五名犯错学生 )

训导老师          你地几个同我企喺度！  
( 五名学生立即停下来，训导老师追上众人并拖离走廊。课室内众人不寒而栗 )  
吴晓婷            钟老师，我地真系无出猫。  
黄琬亮            ( 三人窃窃私语 ) 有好戏睇喇…  
唐雅瑜            呢次你仲唔死…  
张佩芝            Yes...

( 宗教老师上前准备搜周维仪的身，先祈祷。三位学霸甚为期待 )

宗教老师          「父阿！赦免他们！因为他们所作的，他们不晓得。」  
( 宗教老师搜周维仪身不果，三位学霸大失所望 )  
宗教老师          你地三个放学嚟见我！  
( 众人静止 )

#### Scene 4: 宝贝已下架

( 课堂钟声响起，宗教老师走出课室。三位学霸垂头丧气的走出课室，周维仪、吴晓婷、常淘宝三人上前取笑 )

常淘宝            吴晓婷，我而家怀疑你出猫。  
吴晓婷            常淘宝，我够怀疑你出「包」。  
常淘宝            ( 用手做「剪」 ) 唔系嘞，系「剪」嚟㗎！…咪住，我怀疑你…出「暗疮」呀！  
吴晓婷            ( 港女feel，紧张的找面上的暗疮 ) 吓，真㗎？  
常淘宝            呃你咋！  
吴+常            哈哈～  
张佩芝            ENOUGH! 你地讲够未呀  
常淘宝            你怀疑人就得～  
黄琬亮            无聊！  
吴晓婷            无聊得过你地，乱咁话人出猫？  
唐雅瑜            ( 为之气结 ) 费事同你讲。  
( 三位学霸忿然离去，常及吴哈哈大笑 )



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

周维仪           你地唔好玩人啦!  
常淘宝           佢地真系好无聊。  
吴晓婷           喂，下星期个呈分试，你地准备好未？  
常淘宝           使乜准备？只要有「考试药丸」就得啦。  
吴晓婷           我啲「考试药丸」食完喇。  
周维仪           我都系，不如再订嘢。  
常淘宝           交界我啦。  
(常淘宝打开计算机，按了几下，忽然大叫起来。)  
周+吴           乜嘢事呀？  
常淘宝           「此宝贝已下架」?!  
周维仪           即系乜嘢意思呀？  
常淘宝           我地之前订「考试药丸」条 link 唔 work 嘞。  
吴晓婷           你有无搞错咗？  
常淘宝           (紧张地按计算机) 无理由...等我 search 一下先... 搵唔到  
周维仪           可唔可以打电话畀之前个「淘淘专员」？  
常淘宝           (紧张地按计算机) 试下先...  
淘淘专员        淘淘专员，有甚么可以帮你喇，亲？  
常淘宝           我想问点解我地之前订「考试药丸」条 link 唔 work 嘅？  
淘淘专员        噢，亲，那是我们双 11 的特惠，已经卖完了。  
常淘宝           咁而家我地点算呀？  
淘淘专员        可以买我们的留班药丸，专为留班同学而设。  
常淘宝           我唔要啦，拜拜。  
吴晓婷           即系点呀？  
常淘宝           我地买唔到「考试药丸」呀~  
三人           (惨叫) O.M.G.!

(开场的音乐响起，进入三人的想象世界，重现周维仪的老师片段、常淘宝的学霸片段、吴晓婷的爸爸片段，片段重现但扭曲及重复，像恶梦的样子，三人逃避于片段之间)

群众           Uh,  
三人           呀~

(忽然，有平静的天使音乐声出，所有人暂停，天使群出场，因为之前被魔鬼袭击，天使群头上裹着纱布)

周天使        周维仪、吴晓婷、常淘宝...  
三人        天使？  
周天使        我地系嚟救你地㗎...  
周维仪        好呀，我地而家无晒啲「考试药丸」，下星期个考试实死无疑啦。  
常淘宝        你可以帮我搵返多啲「考试药丸」吗？  
常天使        我话咗你地㗎喇...  
吴晓婷        我地知错喇！你可以帮我嘛？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

吴天使                    Music !  
天使群                    (唱起歌)「如果，命运能选择…」  
常淘宝                    天使，你做乜嘢呀？  
天使群                    (唱起歌)「如果，命运能选择…」  
周维仪                    (忤憎) 你做乜唱歌呀？  
天使群                    (唱起歌)「如果…」  
吴晓婷                    够啦，你唔帮我地就算啦，我地自己搵方法！  
周天使                    如果，你嘅命运可以畀你再选择嘅话，你会点选择？  
                              等我畀多一次机会你啦。  
三人                      真嘅？  
天使群                    Go, Go, Go!  
( 忽然，所有人受天使群的法力牵引不停地打转 )  
众人                      哗～

**Scene 5: 命运能选择**

( 场面一片混乱，周维仪一人站在中央拿着「考试药丸」。音乐响起，有数个周维仪、吴晓婷、常淘宝用功温书的片段：

- 三人在球场一角温习，互相帮忙
- 三人向老师请教
- 三人努力温书，有人来邀请打篮球都拒绝

中间亦夹杂一班坏学生给训导老师进捕的片段。最后是一个早会的场景，台上有校长致词，有其他老师在旁。)

校長                    正所谓「学海无涯，为勤是岸」，今年获得成绩进步奖的同学有三名，分别系周维仪，吴晓婷同埋常淘宝…

( 三人上台接受奖项，众人鼓掌。三位天使出场，像特务一样搜索 )

周天使                    ( 在台的一角 ) 你地嗰边见唔见到佢地呀，OVER?

吴天使                    我呢边唔见啲。常天使，你嗰边呢？

常天使                    都唔见佢地，睇嚟佢地走咗喇。OVER!

周天使                    我地唔可以松懈，班魔鬼随时都会返嚟引诱佢地。

吴、常天使                唔！

( 三人摆出作战的姿势，愉快的音乐响起，灯暗。 )

全剧完